

## **U G O V O R**

### **o nabavci radova na sanaciji prokopanih javnih zelenih površina**

KJKP "Sarajevogas" d.o.o., Sarajevo, Trg Fadile Odžaković Žute 4, Sarajevo  
Koga zastupa: V.D. Direktor Preduzeća Sejfo Ušanović dipl. oec.,  
(u daljem tekstu: Naručilac)

i

«KJKP Park d.o.o.» Sarajevo, Ul. Patriotske lige 58, Sarajevo  
Koga zastupa: V.D. Direktor Edin Abdurahmanović dipl. ecc.,  
(u daljem tekstu: Izvršilac)

#### **Član 1.**

Predmet ovog Ugovora je nabavka radova na sanaciji prokopanih javnih zelenih površina na području Kantona Sarajevo u 2020. godini u postupku nabavke broj. DS-05-03/20. Izvršilac radova je dostavio svoju ponudu na specifikaciji kupca broj: SP-OJ04-DS-05-03/20 i cjenovniku izvršioca broj: P-4135-3, koji su priloženi ovom ugovoru i predstavlja njegov sastavni dio.

#### **Član 2.**

Izvršilac radova izvršava, a naručilac kupuje radove iz člana 1. ovog Ugovora, u ime i za svoj račun prema specifikaciji radova SP-OJ04-DS-05-03/20, koja je sastavni dio ovog Ugovora.

#### **Član 3.**

Ugovorna vrijednost radova iz člana 1. ovog ugovora za 2020. godinu bez PDV-a iznosi: **3.081,00 KM (slovima: trihiljade osamdesetjedna KM)**.

#### **Član 4.**

Izvršilac radova se obavezuje da će:

- Radove na sanaciji prokopanih javnih zelenih površina na području Kantona Sarajevo izvršavati u roku od 15 dana od prijema pismene narudžbenice od strane naručioca,
- Radove izvršavati po fazama rada i cijenama koje su obuhvaćene cjenovnikom koji je prilog ovom ugovoru,
- Radove izvršavati u skladu s trenutno važećim tehničkim uslovima za prekopavanje i zatrpavanje prokopanih javnih zelenih površina.

#### **Član 5.**

Naručilac se obavezuje da će:

- dostaviti pismene narudžbe izvršiocu o mjestu prokopa koji treba sanirati,
- dostaviti skicu tačnog mjesta prokopa,
- dostaviti telefaksom poruku izvršiocu za hitne slučajeve kako bi izvršilac pravovremeno intervenisao.

#### **Član 6.**

Izvršilac će obračun izvršenih radova vršiti po jediničnim cijenama iz priloga ovom ugovoru. Naručilac će plaćanje izvršiti u roku od **15 (petnaest) dana** po prijemu uredno ispostavljene fakture na transakcijski račun izvršioca radova.

#### **Član 7.**

Naručilac i izvršilac radova se neće smatrati odgovornima za zakašnjenje u ispunjenju obaveza prema ovom Ugovoru, neposredno ili posredno, ako je zakašnjenje uslijedilo usljed više sile. Pod višom silom podrazumjevaju se slučajevi koji se mogu pojaviti poslije stupanja ugovora na snagu, a koji nisu pod kontrolom ni jedne ugovorene strane, niti se objektivno mogu predvidjeti, a sprječavaju jednu ili obje ugovorene strane.

**Član 8.**

Ukoliko naručilac u ugovornom roku iz člana 6. ovog ugovora ne plati cijenu za izvršene radove obavezan je izvršiocu radova isplatiti i zateznu kamatu u skladu sa zakonom i drugim propisima koji uređuju ovaj institut.

**Član 9.**

Ovaj ugovor se zaključuje na period od (1) jedne godine počev od dana potpisivanja istog. U slučaju raskida ugovora, ugovorna strana koja traži raskid ugovora obavezna je da o svojoj namjeri obavijesti drugu ugovornu stranu sa otkaznim rokom od 30 (trideset) dana.

**Član 10.**

Ugovorne strane su saglasne da izvršilac radova neće zapošljavati, odnosno angažovati fizička i pravna lica koja su učestvovala u pripremi tenderske dokumentacije ili bila angažovana kao stručna lica naručioca u pripremi prijedloga za dodjelu navedenog ugovora o javnoj nabavci.

Ograničenja u smetnji iz stava 1. ovog člana traju 6 (šest) mjeseci od dana zaključivanja ugovora.

**Član 11.**

Na sve odnose i institute koji nisu navedeni u ugovoru, a pojave se prilikom realizacije, primjenjivaće se odgovarajuće odredbe Zakona o obligacionim odnosima.

**Član 12.**


Ovaj Ugovor stupa na snagu danom potpisivanja od strane obje ugovorene strane, a sačinjen je u 4 (četiri) istovjetna primjeraka, od kojih svaka ugovorena strana zadržava po 2 (dva) primjerk a.

**Član 13.**

Sve nesporazume do kojih dođe u realizaciji ovog Ugovora, a koji se ne mogu riješiti u duhu dobrih poslovnih odnosa, rješavaće nadležni sud u Sarajevu.

**Za Izvršioca radova:**

V.D. Direktor


  
Edin Abdurahmanović dipl. ecc.

Broj i datum ugovora: P-413T-A


21-01-2020

**Za Naručioca radova:**

V.D. Direktor Preduzeća

  
Sejfo Ušanović dipl. oec.

Izvršni direktor

  
Mr. Mehmed Mehović, dipl.oec.


Broj i datum ugovora: n/20

16-01-2020

Zamjenik Sejfa Ušanovića za komere. po zbiru  
všećih referencij za javne nabavke  
Hatem Čaušević

  
Senad Habibović

— stručni saradnik Zankovke

  
Albin Pačija  
stručni saradnik za  
javne nabavke